

आकाशवाणी

खबरां ----

1. प्रधानमंत्री नरेंद्र मोदी होरें भुज च 53 ज्हार 400 करोड़ रपे दी 33 परियोजनाएं दा नींह पत्थर रक्खेआ।
2. विदेश मंत्री डॉ. एस जयशंकर होरें आखेआ ऐ जे पाकिस्तान दे शैहरें ते कस्बें थमां आतंकवादी संगठन खुल्लियै कम्म करा'रदे न।
3. उप-राष्ट्रपति जगदीप धनखड़ होरें आखेआ जे अज्ज सारा देश आतंकवाद दे खलाफ इकजुट ऐ।
4. प्रधानमंत्री नरेंद्र मोदी होरें अपने कार्यकाल दे 11 बरें पूरे करी लैते न जेदे कन्नै स्थिरत शासन ते विकास दे दौर दी शुरूआत होई।
5. केंद्री गृह मंत्री अमित शाह होरें नागपुर जिले दे कंपटी क्लॉक दे चिचोली च राष्ट्री फोरेंसिक साइंस यूनिवर्सिटी नागपुर कैंपस दा नींह पत्थर रक्खेआ।
6. धरती विज्ञान सरबंधी मंत्रालय नै मौसम ते बरखा दा पता लाने लेई 'भारत पूर्वानुमान प्रणाली' दा शुभारम्भ कीता जेड़ी 6 किलोमीटर दे रेजुलूशन कन्नै पूर्वानुमान उपलब्ध कराग।

<><><><><><>

PM-Gujrat

गुजरात दे 2 दिनें दे दौरे पर गेदे प्रधानमंत्री नरेंद्र मोदी होरें भुज च 53 ज्हार 400 करोड़ रपे दी 33 परियोजनाएं दा नींह पत्थर रक्खेआ।

<><><><><><>

PM-Gujrat

प्रधानमंत्री नरेंद्र मोदी होंरें आखेआ जे आपरेशन सिंदूर छडी सैन्य कार्रवाई गै नेई ऐ ही, सगुआं भारत दे लोकें दे नैतिक मूल्यें ते भावनाएं दी इक अभिव्यक्ति ऐ। गुजरात दी दाहोद थाहर इक रैली गी संबोधित करदे होई उनें आखेआ जे अज्ज समें दी मंग ऐ जे मुख्य दे विकास लेई जो किश बी लोडचदा ऐ मुख्यै च गै बनाया जा। प्रधानमंत्री होंरें 24 ज्हार करोड़ रपे दे कई सारे विकास प्रोजैक्टें दा नीहू पत्थर रक्खेआ ते केइएँ दा उद्घाटन कीता। एहदे थवां पैहले प्रधानमंत्री होंरें गुजरात च बक्ख-बक्ख विकास परियोजनाएं दा उद्घाटन ते नीहू पत्थर रखने थवां पैहले बडोदरा च इक रोड शो कीता। मगरा प्रधानमंत्री होंरें दाहोद च रेलवे दे लोकोमोटिव विनिर्माण संयंत्र दा उद्घाटन कीता।

<><><><><><>

Jaishankar Pakistan

विदेश मंत्री डॉ. एस जयशंकर होंरें दस्सेआ ऐ जे आतंकवादी संगठन पाकिस्तान दे शैहरें ते कस्बें थमां खुल्लियै कम्म करा'रदे ना। उनें आखेआ जे आतंकवाद पाकिस्तान च इक खुल्ला कारोबार ऐ जेदा समर्थन उसी रपें दी मदाद ते उसदा इस्तेमाल पाकिस्तानी फौज ते राज्य आसेआ कीता जंदा ऐ। जर्मन अखबार गी दित्ते गेदे इक इंटरव्यू च डॉ. जयशंकर होंरें आखेआ जे भारत नै आतंकवादियें गी साफ संकेत दित्ता ऐ जे जेकर कोई आतंकवादी हमला होआ ते उसदे लेई उनेंगी उसदी सख्त कीमत चुकानी पौगा।

<><><><><><>

Naxal Killed

झारखंड दे लतेहर जिले च सुरक्षाबलें कन्नै होई दी मुठभेड़ च इक माओवादी गी मारी दित्ता गेआ ऐ। इस माओवादी पर 5 लक्ख रपे दा ईनाम हा। पुलस नै इक होर माओवादी जेदा नांऽ कुंदरन खेरवार ऐ, गी गिरफ्तार करी लैता ऐ। एहदे पर 10 लक्ख रपे दा ईनाम हा।



Foreign-Universities

केंद्री शिक्षा मंत्री धर्मेन्द्र प्रधान होरें घोषणा कीती ऐ जे इस शैक्षणिक बरे तगर भारत च तकरीबन 15 विदेशी यूनिवर्सिटीयां अपने कैंपस स्थापित करडन जिसी सरकारी आसेआ मंजूरी पैहले गै दिती गेदी ऐ। श्री प्रधान होरें अज्ज नमीं दिल्ली च यूनाइटेड किंगडम दी Liverpool University गी मंजूरी पत्र सौंपने दे समारोह च एह गल्ल आक्खी।



LG-Physics Yatra

उपराज्यपाल मनोज सिन्हा होरें उधमपुर थवां फिजिक्स भारत यात्रा गी शुरू करोआया। इस मौके पर अपने संबोधन च उपराज्यपाल होरें पदमश्री कन्नै सम्मानित श्री डॉ. एस. सी वर्मा हुंदी अगुवाई च Indian Association of Physics teachers ते National Anveshika Network of India दे जतन दी सराहना कीती। उपराज्यपाल होरें आखेआ जे जिसले विज्ञान समाज दे ताने-बाने कन्नै हेठली सतह पर जुड़ी जा तां एहदे कन्नै नां छड़ा नमिएं काहडें च तेजी औंदी ऐ, सगुआं समाज दे पूरे-पराते जीवन स्तर च बी बेहरती होंदी ऐ। उनें आखेआ जे पिछले इक दहाके च प्रधानमंत्री नरेंद्र मोदी हुंदी अगुवाई च आत्मनिर्भर भारत आहली सोच च व्यापक बदलाव आया ऐ।



Weather

दक्खन पच्छिम बरसात दे पैहले गै आई जाने करी अज्ज महाराष्ट्र दे कई हिस्सें च भारी बरखा होआ करदी ऐ। मुम्बई च अज्ज बड्डुलै बदल गरज, बिजली चमकी ते तेज ब्हा चलियां जिसदे चलदे शहर दी ट्रैफिक उप्पर बडा माढा असर पेआ। पुणे जिले दे बारामती शैहर च भारी बरखा बरी ते बदल फट्टने दी घटना बी होई जेदे चलदे हाड दे हालात पैदा होई गे। एनडीआरएफ दी टीमां कई ग्राएं दे हाड च

डुब्बने करी बचा ते राहत अभियान चला'रदियां ना। महाराष्ट्र च दक्खन पच्छमी बरसात शुरू होने दी घोषणा करने दे इक दिन मगरा भारतीय मौसम विभाग नै रियासत दे बक्ख-बक्ख इलाकें लेई ओरेंज ते येलो अलर्ट जारी कीते ना। दक्खन कन्नड़ च भारी बरखा होने करी 7 घरें गी नुकसान पुजेआ ऐ ते 237 बिजली दे खम्भे त्रुटी गेन जेदे चलदे आंगनवाड़ी केंद्र बंद करी दित्ते गेदे न ते आपदा प्रबंधन टीमें गी तैनात करी दित्ता गेदा ऐ।

<><><><><><>

Amit-Shah Nagpur

महाराष्ट्र च केंद्री गृह मंत्री अमित शाह होरें अजज नागपुर जिले दे कम्पटी ब्लॉक दे चिचोली च राश्ट्री फारेंसिक साइंस यूनिवर्सिटी नागपुर कैंपस दा नींह पत्थर रक्खेआ। इस मौके पर मुख्मन्त्री देवेन्द्र फडणवीस ते केंद्री मंत्री नितिन गडकरी बी मौजूद हे। एन.एफ.एस.यू नागपुर दा टूरिस्ट कैंपस पच्छमी नागपुर दे सुभाष नगर इलाके च ऐ जिसले के एन.एफ.एस.यू दा नमां ते स्थाई कैंपस चिचोली ग्रांड च 50 एकड़ थमां मती जमीन पर बनाया जाग। इस संस्थान च फारेंसिक साइंस, फारेंसिक लॉ ते होरनें विद्याएं दे क्षेत्र च 5 कोर्स कीते जाडन। इस संस्थान च अतयाधुनिक प्रायोगशालाएं, लाइब्रेरी ते होस्टल दी सुविधा बी होग।

<><><><><><>

Jitendra Singh BFS

केंद्री पृथ्वी विज्ञान सरबंधी मंत्री डॉ. जितेंद्र सिंह होरें अज्ज नमीं दिल्ली च भारत पूर्वानुमान प्रणाली दा शुभारम्भ कीता। एह सिस्टम 2022 थमां प्रयोगात्मक ऐ ते हून कम्म करने लेई तैयार होई गेआ ऐ। इस प्रणाली कन्नै मानसून ट्रेंकिंग, एविएशन, चक्रवात ते आपदा प्रबंधन, राई-बाई, जलमार्ग, रक्षा, हाड दे पूर्वानुमान गी बढ़ावा थ्होग ते इंदे कन्नै जुडे दे मंत्रालयें गी बी मदद मिलोग। पुणे दे Indian

Institute of Tropical Meteorology आसेआ तैयार कीती गेदी भारत पूर्वानुमान प्रणाली 6 किलोमीटर दे रेजुलूषण कन्नै पूर्वानुमान उपलब्ध करोआग जेडी दुनिया च सारे शा उच्चि ऐ।

<><><><><><>

French-Open

फ्रेंच ओपन टेनिस च महिला सिंगल्स च पैहली वरीयता हासिल आर्यना सबालेंका नै कामिला शखिमोवा पर 6-1, 6-0 कन्नै असान जित्त दर्ज कीती। सबालेंका दा अगला मुकाबला जिल टिचमन कन्नै होग। टिचमन नै क्वालिफायर लुक्रेजिया स्टेफनीनी गी 6-4, 6-4 कन्नै हराया।

<><><><><><>

Cherry-Cargo Train

जम्मू कश्मीर दे उत्पाद जेहडे तोले खराब होई जंदे न, उनेंगी तौले थमां तोले बाहर भेजने आस्तै अपनी चाल्ली दी ते अपनी किस्मा दी पैहली जम्मू रेलवे डिवीजन नै 3 जून थमां कटरा रेलवे स्टेशन थमां बांद्रा तगर अपना पैहला वीपी इंडेंट यानि समेयान गी भेजने आस्तै इक पूर्ण पार्सल वैन दे आवंटन दा अनुरोध कीता ऐ ते एहदे लेई पंजीकृत कराया ऐ। एह जतन बागवानी मैहकमे ते फल उत्पादक संघें कन्नै व्यापक बचार बमर्श मगरा शुरू कीता गेआ ऐ। एहदे कन्नै उत्पाद गी नुक्सान होने थमां बचाया जाई सकोग। इस जतन राएं रेल दे जरियै चीजां भेजियां जांगन ते 30 घंटे च एह समेयान अपनी तैह थाह तगर पुज्जी जाग।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बश्कार ऐ

ते ओहू कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू पिन कोड 180001 उप्पर 15 जून 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>